



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան



« 25 » 04 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0044-22

Ձեռնարկողը՝

«ՌԻԶ-ԼԱՅՖ» ՍՊԸ
Երևան, Ադոնցի փ. 82. բն. 11

Գործունեությունը՝ Կոտայքի մարզի Արզականի ածխաթթվային հանքային ջրերի հանքավայրի թիվ 1/74 հորատանցքի արդյունահանման աշխատանքների շրջակա միջավայրի վրա ազդեցության գնահատման հաշվետվություն
Կոտայքի մարզ,

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող



Խ. Մարտիրոսյան

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

թիվ ԲՓ **0044-22**
<25> 04 2022թ.

**Կոտայքի մարզի Արզականի ածխաթթվային հանքային ջրերի հանքավայրի
թիվ 1/74 հորատանցքի արդյունահանման աշխատանքների շրջակա միջավայրի
վրա ազդեցության գնահատման հաշվետվություն**

Ձեռնարկող՝
Փաստաթղթի տեսակը՝

«ՌԻԶ-ԼԱՅՖ» ՍՊԸ
Շրջակա միջավայրի վրա ազդեցության
գնահատման հաշվետվություն /ՇՄԱԳ/,
նախագծային փաստաթղթեր

Տեղադրման վայրը՝

Կոտայքի մարզ, Ջարենցավան համայնք, բն. Արզական

Ներածական մաս. Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի դ. ենթակետի՝ նախատեսվող գործունեությունը դասակարգվում է «Ա» կատեգորիայի:

«ՌԻԶ-ԼԱՅՖ» ՍՊ ընկերության կողմից /այսուհետ՝ Ընկերություն/ նախատեսվում է ՀՀ Կոտայքի մարզի Արզականի ածխաթթվային հանքային ջրերի հանքավայրի թիվ 1/74 հորատանցքով հաշվարկված և հաստատված պաշարներից 96184.8մ³/տարի կամ 3.05լ/վրկ քանակությամբ ստանալ ածխաթթվային հանքային ջրի արդյունահանման իրավունք՝ բուժական (ռեկրեացիոն) նպատակով լողավազաններում օգտագործելու համար:

Արզականի ածխաթթվային հանքային ջրերի հանքավայրի տարածքում առկա են հանքային ջրի թվով 3 հորատանցքեր (1/74, 2/74 և 14/76), որոնցից ներկայումս շահագործման է տրամադրված 1/74 և 14/76 հորատանցքերը: Հորատանցքերը միմյանցից գտնվում են՝ 100-250,0մ հեռավորությունների վրա:

Հանքավայրի հանքային ջրերը ճնշումային են, հորատանցքերը շատրվանում են հիմնականում գազլիֆտի հաշվին: Պաշարները հաշվարկվել և ԽՍՀՄ ՊՏՀ-ի կողմից 1978թ. հուլիսի 10-ին N237 արձանագրությամբ, 3 հորատանցքերով արդյունաբերական B կարգով: Շահագործական պաշարները հաստատվել են հետևյալ քանակներով.

Զ/Զ	Հորատանցքի համարը	Ջրի ծախսը լ/վրկ մ ³ /օր	Ջրի ջերմաստիճանը °C	Ածխաթթվային գազի պարունակությունը գ/լ մ ³ /մ ³	
1	Հորատանցք N 1/74	3.08 266,1	44,8	1,94 1,5	1,28
2	Հորատանցք N 2/74	3.0 259,2	42,5	2,6 1,9	1,1
3	Հորատանցք N14/76	2.33 201,3	49,2	2,2 1,8	1,2

Արզականի ածխաթթվային հանքային ջրերը թերմալ են (42.5-49.2°C), ածխաթթվային (CO₂ – 95-97%): Ածխաթթու գազի պարունակությունը կազմում է 3.3-5.8գ/լ, որից՝ 2.2-4.0գ/լ ազատ վիճակում, իսկ 1.1-1.8գ/լ լուծված վիճակում: Հանքայնացումը 4.7-5.4գ/լ է: Ըստ քիմիական կազմի հանքային ջուրը հիդրոկարբոնատ-քլորիդային, նատրիումային է:



Նկարագրական մաս. Հանքավայրի թիվ 1/74 հորատանցքը, որը նախատեսված է Ընկերության կողմից հանքային ջրի արդյունահանման համար, գտնվում է ՀՀ Կոտայքի մարզի Չարենցավան համայնքի Արզական բնակավայրի վարչական սահմանում՝ Երևան-Աղվերան ավտոճանապարհի ձախ կողմում: Հորատանցքի խորությունը 300գծ.մ է, գտնվում է 1498.7մ բացարձակ բարձրության վրա: Հորատանցքի տարածքի բեկման կետերի կոորդինատները՝ WGS-84 (ՎԻ ՋԻ ԷՍ-84) (ARMREF 02) ազգային գեոդեզիական կոորդինատային համակարգով հետևյալն են՝ X=8466417, Y=4480145, H=1490.7:

Հանքավայրի տարածքը ներառված չէ բնության հատուկ պահպանվող տարածքների սահմաններում: Ընկերության կողմից արդյունահանվող 1/74 հորատանցքը Արզաքան-Մեղրաձորի պետական արգելավայրից գտնվում է նվազագույնը՝ 1,5կմ հեռավորության վրա, իսկ Արզականի անտառապետության տարածքից՝ 1,8կմ հեռավորության վրա: Տարածքում չեն արձանագրվել ՀՀ բույսերի և կենդանիների Կարմիր գրքերում գրանցված բուսական կամ կենդանական տեսակների աճելավայրեր և ապրելավայրեր:

«ՌԻՉ-ԼԱՅՖ» ՍՊ ընկերությունը ՀՀ Կոտայքի մարզի Արզականի ածխաթթվային հանքային ջրերի հանքավայրի թիվ 1/74 հորատանցքի արդյունահանման աշխատանքները և ռեկրեացիոն նպատակով հանքային ջրի օգտագործումը նախատեսում է իրականացնել 20 տարի ժամկետով: Գործունեության կազմակերպման համար ընկերությանը սեփականության իրավունքով պատկանող տարածքում նախատեսվում է կառուցել 3 հատ լողավազաններ /որոնք իրարից գտնվում են 10-40մ հեռավորության վրա/, որոնցից 2 հատը՝ 15մ² մակերեսով են, իսկ 1 հատը՝ 20մ² մակերեսով, համապատասխանաբար՝ 22,5խմ և 30խմ ծավալներով: Լողավազանները լինելու են բացօթյա: Հանքային ջուրը լողավազաններ է տեղափոխվելու 30,0մ երկարությամբ, 100մմ տրամագծի վերգետնյա խողովակաշարով: Լողավազաններից դուրս եկած ջուրը նախատեսվում է հավաքել պարզարանում, որտեղ նստելուց հետո ջուրը կուղղվի Դալար գետ: Հանգստացողների սպասարկման համար նախատեսված է 20քմ մակերեսով սպասասրահ, 30քմ մակերեսով հանդերձարան: Այս օժանդակ կառույցների համար նախատեսված տարածքներում հողաբուսաշերտը բացակայում է, հողային աշխատանքների ընթացքում շինությունների տակ ընկած հանվող հողագրունտի մնացորդային զանգվածը՝ 160խմ ծավալով /որից՝ 75խմ լողավազաններ, 75խմ պարզարան, 10խմ այլ կառույցներ/ կօգտագործվի տարածքների բարեկարգման նպատակով: Լողավազանների տարածքների շուրջ լրացուցիչ նախատեսված է ստեղծել կանաչ գոտի /չնայած տարածքում առկա է այն/:

Ընկերության կողմից նշված գործունեության կազմակերպման համար առկա են՝ ավտոճանապարհը, ենթակառուցվածքները (գազատար, ջրատար, էլեկտրա-ենթակայան, էլեկտրահաղորդման գծեր):

Ընկերությունը գործունեությունը կազմակերպելու համար անհրաժեշտ խմելու և տեխնիկական նպատակով ջրամատակարարումը կիրականացնի Չարենցավան համայնքի ջրամատակարարման ցանցից՝ կնքվելիք պայմանագրի համաձայն, ինչը ձեռք կբերվի արդյունահանման թույլտվության ստացումից հետո: Ընկերությունում թվով 10 աշխատողների համար խմելու ծախսը հաշվարկվել է 91.25խմ/տարի, իսկ տարածքների ջրման համար ջրի ծախսը՝ 7.2խմ/տարի: Ավազանների լվացումը և մաքրումն իրականացվում են խոզանակներով և ջրով: Ջրավազանների մաքրման համար պահանջվող ջրի ծախսը /որը նախատեսված է իրականացնել եռամսյակը մեկ/ հաշվարկվել է 604խմ: Քանի որ Արզական համայնքում բացակայում է կոյուղատար ցանցը, կենցաղային կեղտաջրերի համար ընկերությունը նախատեսում է բետոնյա անջրթափանց հոր /3խմ ծավալով, 1x1x3մ չափերով/, որը համապատասխան ծառայողության միջոցով պարբերաբեր կդատարկվի: Մանիտարական նորմերին համապատասխան նախատեսված են աշխատողների և հանգստացողների



վնասակար ազդեցությունից զերծ պահելու նպատակով: Մշտադիտարկումները (մոնիթորինգ) ներառում են՝ հորատանցքում ջրի և ազատ ածխաթթու գազի ծախսի, ճնշման (մակարդակի) և ջերմաստիճանի չափումներ, որոնք կատարվելու են 10 օրը մեկ անգամ հաճախականությամբ: Նախատեսված է նաև ջրի նմուշարկումներ և լաբորատոր հետազոտություններ (որոշելու համար՝ կոշտությունը, հանքայնացումը, չոր նստվածքը, թթվայնությունը, ջրի ֆիզիկական հատկությունները), ինչպես նաև սանիտարական գոտու տարածքում հողի նմուշարկումներ: Ստացված արդյունքները հնարավորություն կնձեռնեն գնահատելու հանքավայրում տեղի ունեցող քանակական և որակական փոփոխությունները և հաստատված պաշարների և մոնիտորինգի արդյունքում ստացված տվյալների միջև զգալի տարբերություն պարագայում ՀՀ օրենսդրական պահանջներին համապատասխան վերագնահատել պաշարները:

ՇՄԱԳ-ում ներկայացվել է վերոնշյալ աշխատանքների և գործողությունների իրականացման ներդրումների նախահաշիվը, որը գնահատվել է 9444000 ՀՀ դրամ, որից հիդրոերկրաբանական ռեժիմային դիտարկումների (մոնիտորինգի) կատարման /շուքշտարյա/ ծախսերը գնահատվել են 1 200 000 ՀՀ դրամ:

Ստորերկրյա հանքային ջրերի արդյունահանման ժամանակ արդյունահանմանը զուգընթաց ՀՀ օրենսդրական պահանջներին համապատասխան Ընկերության կողմից նախատեսված է իրականացնել շրջակա միջավայրի վրա բացասական ազդեցությունների կանխարգելմանն ու մեղմմանն ուղղված մշտադիտարկումներ՝ հորատանցքի և լողավազանի տարածքներում /որպես օբյեկտներ դիտարկվել են՝ մթնոլորտային օդը, հողային ծածկույթը, կենսաբանական միջավայրը: Այս մշտադիտարկումների հաճախականությունն ընդունվել է տարեկան մեկ անգամ, իրականացման համար տարեկան ծախսերը գնահատվել է 150.0 հազ ՀՀ դրամ:

Գործունեության իրականացման արդյունքում նախատեսվող միջոցառումները և մշտադիտարկումները ամփոփվել են շրջակա միջավայրի վնասակար ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագրում և մոնիթորինգի պլաններում:

Եզրափակիչ մաս: Նախատեսվող գործունեության ՇՄԱԳ հաշվետվության փորձաքննությունն իրականացվել է ՀՀ շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով: Փորձաքննական գործընթացին մասնակցել են առողջապահության, արտակարգ իրավիճակների նախարարությունները, կադաստրի կոմիտեն, Կոտայքի մարզպետարանը և շրջակա միջավայրի նախարարության ստորաբաժանումներ, որոնց կողմից ներկայացված դիտողությունները և առաջարկությունները ևս հաշվի են առնվել հաշվետվության լրամշակումներում:

Գնահատման և փորձաքննության փուլերում, ՀՀ օրենսդրությամբ սահմանված կարգով, Կոտայքի մարզի Արզականի ածխաթթվային հանքային ջրերի հանքավայրի թիվ 1/74 հորատանցքի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ անցկացվել են հանրային քննարկումներ /չորս քննարկում/: Հանրության կողմից գործունեության իրականացումն արժանացել է հավանության, քննարկվել է ընկերության կողմից համայնքի համար նախատեսվող սոցիալական ու ներդրումային ծրագրերի և ստեղծվելիք աշխատատեղերի հարցը: Ընկերությունը հայտնեց իր պատրաստակամությունը առաջարկների իրականացման համար:

Ելնելով վերոգրյալից կարելի է եզրահանգել, որ պայմանավորված աշխատանքների բնույթով և տեսակներով, շրջակա միջավայրի բաղադրիչների վրա հանքային ջրի արդյունահանման ազդեցությունները կլինեն թույլատրելի սորմայի



սահմաններում, գործունեությունը չի ուղեկցվում արտադրական և ընդերքօգտագործման թափոնների առաջացմամբ, մթնոլորտային արտանետումներով, ինչպես նաև վտանգավոր արտահոսքերով: Նախատեսվող գործունեության իրականացման արդյունքում Կոտայքի մարզի Արզական բնակավայրում կստեղծվի աշխատատեղեր՝ տեղի աշխատաուժի հաշվին, ինչը կարող է նպաստել բնակչության սոցիալական պայմանների բարելավմանը և կենսամակարդակի բարձրացմանը:

Փորձաքննական պահանջներ

1. «Ռիչ-Լայֆ» ՍՊ ընկերության կողմից նախատեսվող Արզականի ածխաթթվային հանքային ջրերի հանքավայրի թիվ 1/74 հորատանցքի արդյունահանման և հանքային ջուրը ռեկրեացիոն նպատակով օգտագործելու համար անհրաժեշտ է առաջնորդվել՝
 - Ընդերքի մասին օրենսգրքի 67-րդ հոդվածի և ՀՀ առողջապահության նախարարի 2002թ. նոյեմբերի 29-ի N803 հրամանի պահանջներով՝ սանիտարական պահպանման առաջին գոտու սահմաններում հորատանցքը աղտոտումից զերծ պահելու նպատակով:
 - ՀՀ կառավարության 2012 թվականի նոյեմբերի 22-ի N 1484-Ն որոշման պահանջներով՝ հանքային ջրի արդյունահանումը հաստատված պաշարների քանակին, որակին և ռեժիմին համապատասխան իրականացնելու նպատակով:
 - Շրջակա միջավայրի նախարարի 2020 թվականի սեպտեմբերի 9-ի N 335-Ն հրամանի պահանջներով՝ ռեկրեացիոն գոտում ջրային ռեսուրսների պահպանության պահանջներն ապահովելու նպատակով:
 - Առողջապահության նախարարի 2012 թվականի սեպտեմբերի 19-ի թիվ 15 հրամանի պահանջներով՝ սանիտարական նորմերը և կանոններն ապահովելու նպատակով:
 - ՀՀ կառավարության 2018 թվականի փետրվարի 22-ի «Ընդերքօգտագործման հետևանքով բնապահպանական կորուստների նվազեցման, անվերադարձ ազդեցության կանխարգելման նպատակով պլանավորվող մշտադիտարկումների իրականացման պահանջների, ինչպես նաև արդյունքների վերաբերյալ հաշվետվությունները ներկայացնելու կարգը սահմանելու մասին» N 191-Ն որոշման պահանջներով:
2. Գործունեության իրականացման ընթացքում անհրաժեշտ է պահպանել և ապահովել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը, ինչպես նաև ապահովել Արզական բնակավայրում Ընկերության կողմից նախատեսված սոցիալական ծրագրերի իրականացումը:

ԵԶՐԱԿԱՅՈՒԹՅՈՒՆ

«ՌԻՉ-ԼԱՅԲ» ՍՊԸ կողմից ներկայացված Կոտայքի մարզի Արզականի ածխաթթվային հանքային ջրերի հանքավայրի թիվ 1/74 հորատանցքի արդյունահանման աշխատանքների շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնագետ

Հ. Մկրտչյան

